


PUOGAE YA MOPHATO 1

# Llori ya Matipatipane



SETSWANA

Maemo:

2

Buka

4



# Puiso e e kaelwang ya ditlhophha

## Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

## Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

## Motlotlo

- Botsa dipotso tsa tekatlhahoganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e, di le botlhokwa le mosola go kaela motlotlo wa phaposi.

## Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. Tlhophha ditirwana tse di lekaneng maemo a barutwana.
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgang  
fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.


# Llori ya Matipatipane



Matipatipane e ne e le llori e nnye  
e e serolwana e e tipang dilo. E ne  
e eletsa gore e ka bo e le kgolo.


Letsatsi le lengwe Matipatipane a  
lebelela setimela se se botala jwa  
legodimo se feta ka lebelo le legolo.

"Ke eletsa o ka re ke ka bo ke le  
setimela sa botala jwa legodimo se  
se lebelo," ga bua Matipatipane.



Morago a bona bese e kgolo ya mmala wa namune.

"Ke eletsa o ka re ke ka bo ke le bese e kgolo ya mmala wa namune," ga bua Matipatipane.




Moragonyana, Matipatipane a bona sefofane se segolo se se sweu se se phatsimang se fofela kwa godimo mo lefaufaung.

"Ke eletsa o ka re ke ka bo ke le sefofane se se sweu se se phatsimang," ga bua Matipatipane.



Matipatipane o ne a tlhontse fa a bona llori e kgolo e khividu.


"Waitse, ke eletsa o ka re ke ka bo ke le llori e kgolo e khividu," ga bua Matipatipane.



Mo maitseboeng ao, fa  
Matipatipane a ntse a ikhuditse  
kwa nokeng, a bona mokoro o  
motala o o phatsimang.

"Ke eletsa o ka re ke ka bo ke le  
mokoro o motala o o phatsimang,"  
ga bua Matipatipane.

Moragonyana ga foo,  
Matipatipane a bona koloi e e  
bofefo e khibidu ya mabelo.  
"Ke eletsa o ka re ke ka bo ke  
le koloi e e bofefo e khibidu ya  
mabelo", ga bua Matipatipane.



Ka tshoganyetso, Matipatipane  
a bona mosimane yo monnye a  
wela mo nokeng.

"Thusang!" ga goa mosimane.

"Ke mang yo o tlaa nthusang?"



"E seng nna", ga  
bua setimela.




"Nka se kgone  
go ema".



"E seng nna", ga  
bua bese.

"Ke ema fela kwa boemelabeseng".



"Re ka se kgone", ga bua llori le  
koloi ya mabelo.

"Re ka se kgone go tsena mo  
metsing".




"E seng nna", ga bua sefofane.

"Ke kwa godimodimo".

"Nka se kgone", ga bua mokoro.

"Phefo e tsubutla ka maatla  
thata. Nka se kgone  
go retologa".



"Mme nna ke tla go thusa!"  
ga bua llori e nnye ya  
segatlhamelamasisi.

Ya tipela matlapa a e neng e a  
rwele fa fatshe mme ya digela  
tipara ya yona mo metsing gore  
mosimane a kgone go palama.

"Falo! Ke falotse," ga goa  
mosimane yo monnye.  
"Ke bolokesegile!"



Ke falotse!

"Ke a leboga llori e e serolwana e  
e pelokgale!" ga bua mosimane.

Ga o tlhoke go  
nna mogolo go nna  
pelokgale.





## Dillori

Dillori tsa bomatipane di rwala  
merwalo e e bokete. Re di dirisetsa go  
rwala motlhaba le ditena.  
Fa di tsholola motlhaba, di tipa  
motlhaba kwa o tlhokegang teng.





## Dikoloi tsa tshoganyetso

Batho ba ba re thusang go kgweetsa dikoloi tse di kgethegileng.

Batimamolelo ba ba mo ditimamolelong ba tima molelo.

Fa o lwala re bitsa emelense.

Fa go na le kotsi ya dikoloi re bitsa llori e e gogang.

Re bitsa mokoro wa phaloso fa re tlhoka thuso mo lewatleng.

Fa go na le kotsi e e masisi re bitsa helikopotara ya phaloso.

Fa re bitsa mapodisi, ba tla ka vene ya sepodisi.







# Ditirwana tsa puiso ya ditlhophha



1

Tlotlela tsala ya gago kgang e ka mafoko a gago o dirisa ditshwantsho tse di latelang:



2

Buisa o bo o arabe le tsala ya gago dipotso tse:



- Naya setlhogo sa kgang e.
- Leina la moanewamogolo ke mang?
- Naya dilo tse pedi tse Matipatipane a neng a eletsa go nna tsona?
- Re itse jang gore Matipatipane o ne a le pelokgale?



3

Ke goreng dikoloi tse di sa kgona go thusa mosimane?  
Feleletsa dipolelo tse mo bukeng ya gago ya dithutiso:

Nka se kgone go thusa gonne ...





4

Kwala mafoko a a mo kholomong ya ntlhha. Morago o kwale mafoko a a rumisanang le lefoko lengwe le lengwe la ona.

llori	masori	kgori	mafafa
koloi	boloi	kopi	moloi
matipatipane	matsipane	dipane	dijana
setimela	dimela	pelokgale	phirimela
bonako	nako	noka	pako
fofa	dikgofa	mafafa	mafafo



5

Mo bukeng ya gago ya dithutiso, kwala dipolelo di le 4-6 ka ga **Llori ya Matipatipane**.

Thala setshwantsho go sedimosa kgang ya gago.  
Kwalela setshwantsho sa gago setlhogo.

# PUOGAE YA MOPHATO 1



Buka 4

<i>Leina kana setlhogo:</i>	Llori ya Matipatipane
<i>Puo:</i>	Setswana
<i>Maemo:</i>	Padiso ya Puogae ya Mophato 1 Maemo 2 Buka 4
<i>Mofuta wa buka:</i>	Kanelo
<i>Mafoko a tlwaelo:</i>	nnye, bonako, serolwana, potlana, tshweu, khibidu, tala
<i>Tlotlofoko:</i>	Ilori, terena, bese, sefofane, teroko, mokoro, koloi ya mabelo, pelokgale
<i>Medumopuo:</i>	kg, th, ng, ph, ela, oi, oa
<i>Diteng, marel le bokgoni:</i>	<ul style="list-style-type: none"> <li>▪ Dirisa ditshwantsho go tlota kgang gape.</li> <li>▪ Buisa o bo o araba dipolelo tsa tekatlhaloganyo</li> <li>▪ Feleletsa dipolelo o dirisa foreimi</li> <li>▪ Balolola mafoko a a rumisanang</li> <li>▪ Kwala dipolelo di le 4 ka ga kgang e.</li> <li>▪ Thala setshwantsho se se senolang kakanyokgolo ya kgang e.</li> <li>▪ Kwala setlhogo sa kgang e.</li> </ul>

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2664-2



**ISBN 978-1-4315-2664-2**  
**THIS BOOK MAY NOT  
BE SOLD.**



**basic education**

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di  
mo Šelofong ya Puogae ya  
Mophato 1:



Segwagwa se ya sekolong

Ke kgona go buisa

Re ya kwa sekolong rotlhe

Letsatsi la metshameko la  
diphologolo



Re rata kgwele ya dinao

Diaparo

Ben o iponela tsala e ntšhwa

Llori ya Matipatipane



Sethole se sennye se sehividu

Amo o ya kwa ngakeng

Toro ya ga Dudu